



KEMENTERIAN DALAM NEGERI

SIARAN MEDIA

TINDAKAN PERINTAH LARANGAN TERHADAP PENERBITAN MELALUI WARTA KERAJAAN P.U.(A) 236

Kementerian Dalam Negeri (KDN) telah mewartakan Perintah Larangan terhadap penerbitan dengan perihalan **“Apa-apa penerbitan yang berkaitan dengan Lesbian, Gay, Bisexual, Transgender, Queer, and + Plus (LGBTQ+) dalam apa-apa bentuk yang terdapat pada jam Swatch dalam apa-apa koleksi termasuk kotak, pembalut, aksesori atau apa-apa benda lain yang berkaitan”** melalui Warta Kerajaan P.U.(A) 236 bertarikh 10 Ogos 2023.

Pewartaan Perintah Larangan ini adalah selaras dengan peruntukan di bawah Seksyen 7 Akta Mesin Cetak dan Penerbitan 1984 (Pindaan) 2012 yang menetapkan pencetakan, pengimportan, penghasilan semula, penerbitan, penjualan, pengeluaran, pengelilingan, pengedaran atau pemilikan **hasil penerbitan tersebut adalah dilarang secara mutlak di Malaysia.**

Kerajaan Malaysia komited mencegah penyebaran unsur-unsur yang memudaratkan atau mungkin memudaratkan kemoralan, kepentingan awam, dan Negara dalam kalangan masyarakat. Dalam hal ini, hasil penerbitan tersebut dikenakan tindakan Perintah Larangan kerana ianya merupakan hasil penerbitan yang memudaratkan atau mungkin memudaratkan kemoralan, kepentingan awam, dan kepentingan Negara dengan **mempromosikan, menyokong, dan menormalisasikan gerakan LGBTQ+ yang tidak diterima oleh masyarakat umum di Malaysia.**

Adalah diingatkan bahawa, berdasarkan peruntukan di bawah Seksyen 8(2) Akta Mesin Cetak dan Penerbitan 1984 (Pindaan) 2012, mana-mana individu yang mencetak, mengimport, menghasilkan, menghasilkan semula, menerbit, menjual, mengeluarkan, mengeliling, menawarkan untuk menjual, mengedar, atau ada dalam milikannya bagi apa-apa jua maksud seperti itu apa-apa hasil penerbitan larangan melakukan suatu kesalahan dan boleh, apabila disabitkan, **dipenjarakan selama tempoh tidak melebihi 3 tahun atau didenda tidak melebihi RM20,000 atau kedua-duanya.**

KDN sekali lagi ingin menyatakan komitmen dalam menjaga keselamatan dan ketenteraman awam melalui tindakan penyeliaan dan kawalan terhadap penerbitan bagi membanteras penyebaran elemen, fahaman, dan gerakan yang bercanggah dengan sosiobudaya tempatan dari semasa ke semasa secara berterusan selaras dengan peruntukan di bawah Akta Mesin Cetak dan Penerbitan 1984 (Pindaan) 2012.

KEMENTERIAN DALAM NEGERI
10 OGOS 2023

Untuk maklumat lanjut sila hubungi Unit Komunikasi Korporat, KDN di talian 03-8880 0813/ 0815.



10 Ogos 2023
10 August 2023
P.U. (A) 236

WARTA KERAJAAN PERSEKUTUAN

*FEDERAL GOVERNMENT
GAZETTE*

PERINTAH MESIN CETAK DAN PENERBITAN
(LARANGAN PENERBITAN TIDAK DIINGINI) 2023

*PRINTING PRESSES AND PUBLICATIONS
(PROHIBITION OF UNDESIRABLE PUBLICATIONS)
ORDER 2023*

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA MESIN CETAK DAN PENERBITAN 1984

PERINTAH MESIN CETAK DAN PENERBITAN
(LARANGAN PENERBITAN TIDAK DIINGINI) 2023

PADA menjalankan kuasa yang diberikan oleh seksyen 7 Akta Mesin Cetak dan Penerbitan 1984 [*Akta 301*], Menteri membuat perintah yang berikut:

Nama

1. Perintah ini bolehlah dinamakan **Perintah Mesin Cetak dan Penerbitan (Larangan Penerbitan Tidak Diingini) 2023**.

Larangan

2. Pencetakan, pengimportan, penghasilan, penghasilan semula, penerbitan, penjualan, pengeluaran, pengelilingan, pengedaran atau pemilikan apa-apa penerbitan sebagaimana yang diperihalkan dalam Jadual yang mungkin memudaratkan kemoralan adalah dilarang secara mutlak di seluruh Malaysia.

JADUAL

(1) Perihalhan Penerbitan	(2) Penerbit
<p>Apa-apa penerbitan yang berkaitan dengan <i>Lesbian, Gay, Bisexual, Transgender, Queer and + Plus (LGBTQ+)</i> dalam apa-apa bentuk yang terdapat pada jam Swatch dalam apa-apa koleksi termasuk kotak, pembalut, aksesori atau apa-apa benda lain yang berkaitan</p>	<p>Swatch Limited, Switzerland</p>

Dibuat 9 Ogos 2023

[KDN.PK.S.600-16/15/122; PN(PU2)417/JLD.25]

DATUK SERI SAIFUDDIN NASUTION BIN ISMAIL
Menteri Dalam Negeri

PRINTING PRESSES AND PUBLICATIONS ACT 1984

PRINTING PRESSES AND PUBLICATIONS
(PROHIBITION OF UNDESIRABLE PUBLICATIONS) ORDER 2023

IN exercise of the powers conferred by section 7 of the Printing Presses and Publications Act 1984 [Act 301], the Minister makes the following order:

Citation

1. This order may be cited as the **Printing Presses and Publications (Prohibition of Undesirable Publications) Order 2023**.

Prohibition

2. The printing, importation, production, reproduction, publishing, sale, issue, circulation, distribution or possession of any publication as described in the Schedule which is likely to be prejudicial to morality is absolutely prohibited throughout Malaysia.

SCHEDULE

(1) Description of Publication	(2) Publisher
Any publication related to Lesbian, Gay, Bisexual, Transgender, Queer and + Plus (LGBTQ+) in any form appearing on Swatch watches of any collection including the boxes, wrappers, accessories or any other related things	Swatch Limited, Switzerland

Made 9 August 2023
[KDN.PK.S.600-16/15/122; PN(PU2)417/JLD.25]

DATUK SERI SAIFUDDIN NASUTION BIN ISMAIL
Minister of Home Affairs